

teste Hipp. 1. Prælag. Gal. lib. 2. de nat. humana, ist mit Hippocrate nicht wol zufrieden/verweist ihm/das er nicht eygentlich wie sich gebürt hette/wie man diese morbos populares curiren solt / in Schrifften hinterlassen / wie des Galeni asseclæ möchten wol auch mit ihm zürnen/vnd ihm billich fürwerffen / das er ein so hoher Meister vnd erkündiger der Natürlichen Dingen gewesen / vnd noch weniger als Hippocrates, weder de peste, noch von solchen Kranckheiten ein eygen Buch geschrieben / sondern je ein mal stuckweis in seinen commentariis hin vnd wider der gedenckt. Unsere liebe Herren vnd præceptores lassens auch bleiben/was auß den Alten nicht zu beweisen ist/das heissen sie nicht gern gut/dörffen ihn selbst nicht wol vertrauen. Etliche arbeitssame arme Porsanten versuchen viel / haben wol etwas erfahren/ Aber man heist es ihnen auch nicht gut / man ruffts für Giffte vnd Reheren/ja für Teuffels Gespenst auß / derwegen wir billich gestrafft werden/ vnd vns Gott mit Bleiß die rechte antidota verbirgt/die ex diametro diese Kranckheit stillen vnd wenden möchten.

Damit aber mein Indicatio curandi einem jeden bekant werde/ soll dieser Proceß gehalten / das die causæ morbi erst hingenommen werden / vnd soll methodus curandi venena durch auß gehalten werden für den ersten modum.

Proceß  
des au-  
thors die-  
se Kranck-  
heit zu cu-  
riren.

Die erst Ursach ist vnser Sünd / soll das fürnembst seyn/Buß thun/2c. Weil auch secunda causa ist ein giftiger Luft/ oder ein fomes, Zunder auß giftigem Luft/ auß fremdden Orthen an vns langendt vnd geschmaist/wollen wir solche remedia setzen / die denselben Luftten vnd Gifften à tota & innata substantia & qualitate zu wider seyn / so viel wir mögen haben vnd so viel möglich / beyder der causarum vnd morborum ametriam gegen einander vergleichen/wiewol diß schwer vnd schier vnmöglich. Dann Gal. sagt selbst lib. 3. de prælag. expulsiõ. Die Aerzt werden offft in diesen morbis betrogen/sie wissen auch nit/wo hinaus / seyndt ganz irz. Dann sie besfinden an Krancken gute Puls/gute Zeichen der Dawung / sie trösten die Krancken der gesundtheit/dennoch sterben sie baldt / flugs wird ärger mit ihnen/ als man vermeynt hat/2c.

Erste  
Ursach /  
die Sünd  
hinweg  
zu wär-  
men  
Die Luft  
zu reinigē

Vnd ob mir schon nicht all mal nach meinem Sinn vnd Vornemen

D

men